

浙江文叢

兩浙名賢錄

〔第二冊〕

浙江出版聯合集團
浙江古籍出版社

浙江文叢

兩浙名賢錄

〔第二冊〕

〔明〕徐象梅撰

浙江出版聯合集團
浙江古籍出版社

兩浙名賢錄卷十三目次

輔弼

晉

尚書左僕射陸士光睦 太傅謝安石安

唐

文昌左丞陸希仲元方子象先景倩景融附

平章陸敬輿贊 尚書左僕射陳周道夷行

宋

參知政事盛公量度 太子太師杜世昌衍

太子少保趙閱道并子峴孫雲附 參知政事張道章昇

兩浙名賢錄 卷之十三 目次

參知政事鄭行可仲熊 參知政事沈守約該

右丞相葉夢錫衡 右丞相史直翁浩

左丞相王季海淮 左丞相余處恭端禮

右丞相趙子直汝愚 參知政事陳叔進騷

左丞相葛楚輔邨 參知政事李秀叔彥穎

參知政事樓大防鑰 參知政事婁彥發機父壽附

參知政事葛容甫洪 右丞相謝子肅深甫

左丞相喬壽朋行簡 左丞相鄭德源清之

左丞相范仲和鍾 參知政事袁彥淳詔

左丞相李彊父宗勉 右丞相杜成之範

參知政事衛清叔涇 左丞相王仲潛燐
右丞相葉鎮之夢鼎

兩浙名賢錄卷十三目次終

兩浙名賢錄 卷之十三 目次

二

兩浙名賢錄卷之十三

東海徐象梅仲和氏謨

夜郎楊文驄龍友氏閱

輔弼

晉 共二人

尙書左僕射陸士光睦

陸睦字士光員外散騎英之子睦少有雅望從兄機每稱之曰我家世不乏公矣居喪以孝聞同郡顧榮與鄉人書曰士光氣息裁屬慮其性命言之傷心後察孝廉除永世烏江二縣令皆不就元帝初鎮江左辟爲祭酒

兩浙名賢錄

卷之十三 輔弼

一

ハハ

尋補振威將軍義興太守以疾不拜預討華軼功封平望亭侯累遷常騎本郡大中正大興元年遷太子詹事時帝以侍中皆北士宜兼用南人睦以清貞著稱遂拜侍中徙尙書領州大中正明帝卽位轉光祿勳遷太常代紀瞻爲尙書左僕射領太子少傅尋加金紫光祿大夫代卞壺爲領軍將軍以平錢鳳功遷爵江寧伯帝不豫與王導下壺庾亮溫嶠郗鑒並受顧命輔皇太子更入殿將兵直宿遺詔曰睦清操忠貞歷職顯允且其兄弟事君如父憂國如家歲寒不彫體自門風旣委以六軍可錄尙書事加散騎常侍成帝踐祚拜左光祿大夫

開府儀同三司給親兵百人常侍如故蘇峻之難睦隨帝在石頭舉動方正不以凶威變節峻以睦吳士之望不敢加害使守留臺匡衛以苑城歸順時共推睦督宮城軍事峻平加衛將軍以勲進爵爲公咸和中求歸鄉里拜墳墓有司奏舊制假六十日侍中顏含駁曰曄內蘊至德清一其心受託付之重居台司之位旣蒙詔許歸省墳塋大臣之義本在忘己豈容有期而返無期必違愚謂宜還自還不須制日帝從之睦因歸以疾卒時年七十四追贈侍中車騎大將軍謚曰穆子謚散騎常侍

兩浙名賢錄

卷之十三 輔弼

二

××

太傅謝安石安

謝安字安石其先陳郡陽夏人自祖衡寓居會稽遂爲越人父哀太常卿安少有重名初辟司徒府除著作郎並以疾辭居會稽東山與王羲之許詢支遁遊處出則漁弋山水入則言詠屬文無用世意除尙書郎琅邪王友並不超有司奏安被召歷年不至禁錮終身遂棲遲東土每遊賞必以妓女從簡文帝時卜相曰安石旣與人同樂必不得不與人同憂召之必至時安弟萬爲征西中郎將總藩任之重安雖處衡門其名出萬右及萬黜廢安始有仕進意時年四十餘矣桓溫請爲司馬甚

見禮厚尋除吳興太守在官無當時譽去後爲人所思
頃之徵拜侍中遷吏部尚書中護軍簡文帝疾篤溫上
疏薦安宜受顧命及帝崩溫入赴山陵止新亭大陳兵
衛將移晉室呼安及王坦之欲於座中害之坦之甚懼
問計於安安神色不變曰晉祚存亡在此一舉既見溫
坦之流汗沾衣倒執手板安從容就席曰安聞諸侯有
道守在四隣明公何須壁後置人邪溫笑曰正自不能
不爾遂笑語移日坦之與安初齊名至是方知坦之之
劣時溫威振內外人情恂恂安與坦之盡忠匡翊終能
輯穆及溫病篤諷朝廷加九錫使袁宏具草安見輒改

兩浙名賢錄

卷之十三

輔弼

三

之由是歷旬不就會溫卒錫命遂寢尋詔安總關中書
事安義存輔導不事小察弘以大綱中外賴之是時宮
室毀壞安欲繕之尚書令王彪之等以外寇爲諫安不
從竟獨決之宮室用成皆仰模玄象合體宸極而役無
勞怨帝始親萬機進安侍中都督諸軍事時符堅強盛
疆場多虞安遣弟石及兄子玄等應機征討所在克捷
封建昌縣公堅後率眾號百萬次淮淝京師震恐加安
征討大都督玄入問計安答曰已別有旨旣而寂然玄
不敢復言遂命駕出山墅親朋畢集方與玄圍棋賭別
墅安棋常劣於玄是日玄懼便爲敵手而又不勝遂遊

陟至夜乃還指授將帥各當其任桓沖請以兵入援安
辭卻之玄等旣破堅有驛書至安方對客圍棋看書旣
竟了無喜色客問之徐曰小兒輩遂已破賊以總統功
進拜太保更封廬陵郡公安方欲混一文軌上疏求自
北征乃進都督十五州軍事加黃鉞安雖受朝寄東山
之志始末不渝每形於言色及遇疾悵然謂所親曰昔
桓溫在時吾嘗懼不全忽夢乘溫輿行十六里見一白
雞而止乘溫輿者代其位也十六里止今十六年矣自
雞主酉今年太歲在酉吾病殆不起乎乃上疏遜位尋
薨時年六十六帝三日臨於朝堂賜殮具甚厚贈太傅

兩浙名賢錄

卷之十三

輔弼

四

諡文靖

唐 共四人

紫薇令姚元之崇

姚崇字元之其先吳興人自吳興徙陝復自陝徙洛陽
父善懿貞觀中嵩州都督贈幽州大都督諡文獻崇少
倜儻尙氣節長乃好學仕爲孝敬挽郎舉下筆成章授
濮州司倉參軍五遷夏官郎中契丹擾河北兵檄慈進
崇奏決若流武后賢之卽拜侍郎聖歷三年進同鳳閣
鸞臺平章事遷鳳閣侍郎俄兼相王府長史崇建言臣
事相王而夏官本兵臣非惜死恐不益王乃詔改春官

張易之私有請於崇崇不納譖於后降司僕卿猶同鳳閣鸞臺三品出爲靈武道大總管張柬之等謀誅二張崇適自屯所還遂參計議以功封梁縣侯實封二百戶出爲亳州刺史歷朱常越許四州睿宗立拜兵部尙書同中書門下三品進中書令尋爲太平公主所忌貶申州刺史移徐潞二州遷揚州長史政條簡肅人爲紀德於碑徙同州刺史先天二年玄宗講武新豐故事天子行幸牧守在三百里內者得詣行在時帝亦密召崇崇至帝方獵渭濱卽召見帝曰公知獵乎對曰少所習也臣年二十居廣成澤以呼鷹逐獸爲樂張景藏謂臣當

兩浙名賢錄

卷之十三 輔弼

五

又引

位王佐無自棄故折節讀書遂待罪將相然少爲獵師老而猶能帝悅與俱馳逐緩速如旨帝歡甚旣罷乃咨天下事袞袞不知倦帝曰卿宜遂相朕崇知帝大度銳於治乃先設事以堅帝意卽陽不謝帝怪之崇因跪奏臣願以十事聞陛下度不可行臣敢辭帝曰試爲朕言之崇曰垂拱以來以峻法繩下臣願政先仁恕可乎朝廷覆師青海未有牽復之悔臣願不倖邊功可乎比來王伋冒觸憲綱皆得以寵自解臣願法行自近可乎后氏臨朝喉舌之任出闔人之口臣願宦豎不與政可乎威里貢獻以自媚於上公卿方鎮寢亦爲之臣願租賦

兩浙名賢錄

卷之十三 輔弼

六

又引

外一絕之可乎外戚貴主更相用事班序荒雜臣請戚屬不任臺省可乎先朝褻狎大臣虧君臣之嚴臣願陛下接之以禮可乎燕欽融韋月將以忠被罪自是沮折臣願羣臣皆得批逆鱗犯忌諱可乎武后造福先寺上皇造金仙玉眞二觀費鉅百萬臣請絕道佛營造可乎漢以祿莽聞梁亂天下國家爲甚臣願推此鑒戒爲萬代法可乎帝曰朕能行之崇乃頓首謝翌日拜兵部尙書同中書門下三品封梁國公遷紫微令中宗時近戚奏度僧尼溫戶彊丁因避賦役崇請汰僧僞濫髮而農者餘二萬二千人崇嘗帝前敘次郎吏帝左右顧不主其語崇懼再三言之卒不答崇趨出內侍高力士曰陛下新卽位宜與大臣裁可否今崇亟言陛下不應非虛懷納誨者帝曰我任崇以政大事吾當與決至用郎吏崇願不能而重煩我耶崇聞乃安由是進賢退不肖而天下治開元四年山東大蝗民祭且拜坐視食苗不敢捕崇請出御史爲捕蝗使分道殺蝗汴州刺史倪若水上言除天災者當以德昔劉聰除蝗不克而害愈甚拒御史不應命崇移書謂之曰聰僞主德不勝妖今妖不勝德古者良守蝗避其境謂修德可免彼將無德致然乎今坐視食苗忍而不救因以無年刺史其謂何若水

懼乃縱捕得蝗十四萬石蝗害迄息於是帝方躬萬機

朝夕詢逮它宰相畏帝明決皆謙憚惟獨崇佐裁決故

得專任會盧懷慎卒崇病店移告凡大政事帝必令源

乾曜就咨焉乾曜所奏善帝必曰是必崇畫之有不合

則曰胡不問崇乾曜謝其未也乃已久之紫微史趙誨

受夷人賂當死崇素親倚署奏營減帝不悅時曲赦京

師惟誨不原崇惶懼上還宰政引宋璟自代乃以開府

儀同三司罷政事歸第仍詔五日一參入閣供奉八年

授太子少保以疾不拜明年卒年七十贈揚州大都督

諡曰文獻崇尤長治道處決無淹思三爲宰相常兼兵

兩浙名賢錄

卷之十三 輔弼

七

八

部故屯戍斥埃士馬儲械無不諳記玄宗初立賓禮大

臣故老雅尊遇崇每見便殿必爲之興去則臨軒以送

它相莫及也時承權戚干政之後綱紀大壞先天末宰

相至十七人臺省要職不可數崇嘗先有司罷冗職修

制度擇百官各當其材請無廣釋道無數移吏繇是天

子責成於下而權歸於上矣崇始名元崇以與突厥毗

刺同名武后時以字行至開元世避帝號更以今名三

子彝異奕皆至卿刺史

玄孫合元和中進士及第調武功尉善詩世號姚武功

遷監察御史累轉給事中歷陝虢觀察使終秘書監弟

勗自有傳

按唐書以崇爲陝人及讀張燕公所作神道碑始詳

載其世系云自吳興徙陝自陝徙洛則爲吳興人審

矣兩浙相業獨吳興寥寥今得此賢覺六邑俱重

文昌左丞陸希仲元方

子象先景倩景融附

陸元方字希仲陳給事黃門侍郎琛之曾孫也元方初

明經後舉八科皆中累官監察御史武后時使嶺外方

涉海風濤驚壯舟人懼元方曰吾受命不私神豈害我

趣使濟而風訖息使還除殿中侍御史擢鳳閣舍人秋

官侍郎遷鸞臺侍郎同鳳閣鸞臺平章事或言其薦引

兩浙名賢錄

卷之十三 輔弼

八

八

皆親黨后怒免官令白衣領職元方薦人如初后召讓

之對曰舉臣所知不暇問仇黨又薦其官崔元暉有宰

相才后知無他復其拜鸞臺侍郎同鳳閣鸞臺平章事

后嘗問外事對曰臣備位宰相大事當白奏民間碎務

不敢以聞忤旨下除太子右庶子進文昌左丞卒元方

素清慎再執政每進退羣臣后必先訪問外秘莫知臨

終取奏稿焚之曰吾陰德在人后當有興者又曰吾當

壽但領薦久耗傷吾神有一桺平生所絨鑰者歿後家

人發之乃前後詔勅贈越州都督諸子皆美才而象先

景倩景融尤知名

象先初名景初。睿宗曰：子能紹先構，是謂象賢者。乃賜名象先。器識沉邃，舉制科高第，爲揚州參軍事。時吉頊與元方同爲吏部侍郎，頊擢象先爲洛陽尉。元方不肯當頊曰：爲官擇人，豈以吏部子廢公論耶？卒以授。俄遷監察御史，累授中書侍郎。景雲中，進同中書門下平章事，監修國史。初，太平公主謀引崔湜爲宰相，湜曰：象先人望宜幹樞，近若不者，湜敢辭，主不得已爲言之。遂並知政事。然其性恬靜，寡欲，議論高簡，爲時推向。湜嘗曰：陸公加於人一等。公主旣擅權，宰相爭附之。象先未嘗往，譏及謀逆，召宰相議曰：「璽王長不當廢嫡立庶，象先兩浙名賢錄」

卷之十三 輔弼

九

XIII

曰：帝得立，何也？主曰：帝有一時功，今失德，安可不廢？對曰：立以功者，廢必以罪。今不聞天子過失，安得廢？主怒，更與竇德貞等謀，卒誅死。時象先與蕭至忠、岑羲等坐爲主所進，將同誅。玄宗遽召免之，曰：歲寒然後知松柏之後彫也。以保護功封兗國公，賜封戶二百。初，難作，睿宗御承天樓，羣臣稍集。帝麾曰：助朕者留，否者去。於是

有投名自驗者，事平。玄宗得所投名，詔象先收按象先。悉焚之。帝大怒，欲并加罪。頊首謝曰：赴君之難，忠也。陛下方以德化天下，奈何殺行義之人？故臣違命安反側者，其敢逃死？帝痛善之時，窮治忠義等黨，與象先密爲

申救，保全甚眾。當時無知者，罷爲益州大都督府長史。劔南按察使累徙蒲州刺史，兼河東按察使。小吏有罪，誠遣之大吏，白爭以爲可杖。象先曰：人情不甚相遠，謂彼不曉吾言邪？必責者，當以汝爲始。大吏慙而退。嘗曰：天下本無事，庸人擾之爲煩耳。第澄其源，何憂不簡邪？故所至吏民懷之。入爲太子詹事，歷戶部尚書，知吏部選事。遷太子少保，卒。年七十二。贈尚書右丞相，諡文貞。景倩爲扶溝丞，河南按察使畢構覆州縣殿最，欲必得實，有吏言狀曰：某彊清，某詐清。惟景倩曰：眞清。官終監察御史。景融長七尺，美姿質，寬中而厚外，博學工筆札。兩浙名賢錄

卷之十三 輔弼

十

XIV

以蔭補千牛，轉新鄭令。政有風績，累遷工部尚書。東京留守，卒。贈廣陵郡都督。景融於象先後母弟也。象先被咎，景融諫不入，則自楚母爲損。咸當時多其友愛。

平章陸敬輿贊

陸贄字敬輿，嘉興人。吏部郎中澣之孫。深陽尉偏之子。年十八，第進士。中博學宏詞，調鄭尉。罷歸，以書判拔萃。補渭南尉。德宗立，遣黜陟使庾何等一十人行天下，贄說使者，請以五術省風俗，八計聽吏治，三科登俊。又四賦經財，實六德，保罷廢，五要簡官。事時皆聽其言。遷監察御史，召拜翰林學士，會馬燧討河北賊，久不決，請師

李希烈寇襄城詔問策安出贄言勞於服遠莫若修近多方以救失莫若改行今幽燕恒衛之勢緩而禍輕汝洛榮汴之勢急而禍重請使李凡還軍援洛李德光救襄城希烈必走請神策及將家子占而東者追還之凡京師稅間架榷酒抽貫貸商點召之令一切停之則端本整募之術帝不納後涇師急變贄言皆効從狩奉天機務填委遠近調發奏請報下書詔日數百贄初若不經思逮成皆周盡事情衍繹孰復人人可曉旁吏承寫不給它學士筆閣不得下而贄沛然有餘帝嘗問事之切於今者贄勸帝令羣臣參日使極言得失若以軍務

兩浙名賢錄

卷之十三 輔弼

士

又司三

對者見不以時聽納無倦兼天下之智以爲聰明且言言路之不塞必先通上下之情然上下之情所由不通者則九弊不去也所謂九弊者上有其六下有其三好勝人耻聞過騁辯給街聰明厲威嚴恣彊懷上之弊也諂諛願望畏儒下之弊也九弊不去而求通上下之情以開言路難矣是時賊未平帝欲明年遂改元而術家爭言數鍾百六宜有所變示天下復始帝乃議更益大號贄曰今乘輿播越大慙未去此人情向背天意去就之際陛下宜痛自貶勵不宜益美名以累謙德帝從之始帝播遷府藏委棄衛兵無稍衣至是天下貢奉稍至

乃於行在夾廡署瓊林大盈二庫別藏貢物贄諫以爲瓊林大盈於古無傳舊老皆言開元時貴臣飾巧以求媚建言郡邑賦稅當委有司以制經用其貢獻悉歸天子私有之蕩心侈欲亦終以餌寇今師旅方殷瘡痛呻吟之聲未息遽以珍貢私別庫恐臣下有所觖望請悉出以賜有功今後納貢必歸之有司先給軍賞壞怪纖麗無得以供是乃散小儲成大儲捐小寶固大寶也帝悟卽撤其署李德光有異志欲怒其軍使叛卽上言兵廩薄與神策不等難以戰李晟密言其變因請移屯帝遣贄見德光議事贄還奏德光寇奔不追師老不用軍

兩浙名賢錄

卷之十三 輔弼

士

又司三

帥欲進輒沮止其謀此必反宜有以制之因勸帝許晟移軍且請遣李建徽陽惠元與晟并屯東渭橋託言晟兵寡不足支賊俾爲犄角德光雖不欲遣且辭窮無以沮解帝猶豫曰晟移屯德光固快快若又遣建徽等俱東彼且爲辭少須之晟已徙屯不閱旬德光果奪兩節度兵建徽挺身免惠元死之行在震驚遂徙幸梁以勞遷諫議大夫仍爲學士時鳳翔節度使李楚琳殺張鎰得位雖數貢奉議者頗言其挾兩端有所狙伺然帝亦不能容其使至皆不得召欲以渾瑊代之贄諫曰楚琳之罪舊矣今議者乃始紛紜不亦晚哉且勤王之師在

畿內者急宜宣告晷刻不可差商嶺既回遠而駱谷又爲賊所扼通王命者惟褒斜爾若復阻則諸鎮之向背者我勝則來賊勝則往此焉幾會不容差跌使楚琳逞憾敢爲猖狂南塞要衝東與賊合則我咽喉梗而心膺分矣豈不病哉今願望兩端是乃天誘其衷通歸塗濟大業也帝釋然盡召見其使優詔勞安之京師已平帝欲召渾瑊訪奔亡內人給裝使赴行在贊諫曰大難始平而百役疲瘵之町重傷殘廢之卒皆忍死扶疾想聞德音今諸事未遑而首先及此恐天下聞之解體且內人當奔潰之後或爲將士所私昔人掩絕纓飲盜馬者

兩浙名賢錄

卷之十三 輔弼

三

又三

豈忘其愛邪知爲君之體然也天下固多藝人何必獨此帝不復下詔初劉從一姜公輔等材下不逮贊遠甚俱以單言暫謀偶有合由下位逮台宰而贊孤立一意爲左右權倖沮短又言事無所回諱陰失帝意久之不得宰相還京但爲中書舍人權知兵部侍郎復爲翰林學士天下屬以爲相而實參素不平忌之參黜始以中書侍郎同中書門下平章事帝始用楊炎盧杞引樹私黨排擠忠良天下怨憤貞元後懲艾其失雖置宰相至除用庶官反覆參詰乃得下及贊秉政始請臺閣長官得自薦其屬有不職坐舉者帝初許之或言諸司所引

皆親黨招賂遺無實才帝復詔宰相自擇贊上疏極論帝雖嘉之然卒停薦士詔舊制吏部選以歲集乾元後天下兵興率三年一調吏員稽壅則案牘繁滯僞冒蒙眞吏緣以爲姦廢置無綱至十年不被調者缺員或累歲不補贊乃請以內外員三分之二每歲計闕集人檢視吏奸天下便之當是時賈耽盧邁趙景同輔政凡有司關白三人者更相顧不肯判贊又請如故事旬一人秉筆所資輒判又以西北邊歲調河南江淮兵謂之防秋士不素練戰數敗將統制不一亡以應敵贊上疏極言其弊大略謂以中國所長擊夷狄所短則有八利以中國所短應夷狄所長則有六失且請罷四方之防秋者以其數析而三之其一責本道節度募壯士願屯邊者徙焉其一則第以本道衣粟責關內河東募用蕃夏子弟願傳軍者給焉其一以所輸資糧給應募者以安其業詔度支市牛召工就諸屯繕完器具至者家給牛一耕耨水火之器畢具一歲給二口糧賜種子勸之播蒔須一年則使自給有餘粟者縣官倍價以售既息調發之煩又無幸免之弊出則人自爲戰處則家自爲耕與夫暫屯遽罷豈同日哉然後建文武大臣一人爲隴右元帥自涇隴鳳翔薄長武城盡山南西道凡節度府之

兩浙名賢錄

卷之十三 輔弼

西

又三

兵皆屬焉又詔一人爲朔方元帥由鄜坊邠靈捷喬寧夏凡節度府之兵屬焉又詔一人爲河東元帥舉河東極振武節度府之兵屬焉各以臨邊要州爲治所所部州若府遶東良吏爲刺史外奉軍興內勸農桑慎守中國所長謹行當今所易則八利可致六失可去矣帝愛其言不從也班宏判度支卒官贊薦李吳帝漫許之而自用裴延齡贊言延齡僻戾躁妄不可用不聽俄而延齡姦佞得君天下仇惡無敢言贊上書苦諫帝不憚竟以太子賓客罷贊本畏慎未嘗通賓客延齡揣帝意薄譏短百緒帝遂發怒欲誅贊賴陽城等交章論辯乃貶兩浙名賢錄

卷之十三 輔弼

五

×/×

忠州別駕順宗立召還詔未至卒年五十二贈兵部尚書諡曰宣始贊入翰林年尙少以材幸天子常以輩行呼而不名在奉天朝夕進見小心精潔未嘗有過由是帝親倚至解衣衣之同類莫敢望外雖有宰相主大議而贊常居中參裁可否時號內相嘗爲帝言今盜徧天下宜痛自咎悔以感人心昔成湯罪己以興楚昭王出奔以一言善復國陛下誠不吝改過以言謝天下使臣持筆亡所忌庶叛者革心帝從之故奉天所下制書雖武人悍卒無不感動流涕後李抱眞入朝爲帝言陛下在奉天山南時赦令至山東士卒聞者皆感泣思奮臣

是時知賊不足平議者謂興元戡難功雖爪牙宣力蓋贊有助焉狩山南也道險澁與從官相失夜召贊不得帝驚且泣詔軍中得贊者賞千金久之上謁帝喜見顏間自太子以下皆賀及輔政不敢自顧重事有可否必言之所言皆剴拂帝短惡到深切或規其大過者對曰吾上不負天子下不負所學皇宅邨乎旣放荒遠杜門集方書人罕見其面歷官來所上奏疏數百篇譏陳時弊皆本仁義其後蘇軾上贊奏議劄子稱其有王佐才至謂賢於子房賈誼而德宗以猜忌刻薄始親終疏不能行其所學乃放逐以死古今痛之

兩浙名賢錄

卷之十三 輔弼

六

×/×

尙書左僕射陳周道夷行

陳夷行字周道長興人由進士歷官吏部郎中爲翰林學士兼侍讀遷工部侍郎開成二年進同中書門下平章事而楊嗣復李珣相次輔政夷行介特雅不與合每議論天子前往往往語相侵短夷行不能堪輒引疾求去文宗遣使慰勞起之會以王彥威爲忠武節度使史孝章領邠寧議皆出嗣復及夷行對延英帝問除二鎮當否對曰苟自聖擇無不當者嗣復曰若用人盡出上意而善固當如小不稱下安得嘿然夷行曰比奸臣數干權願陛下毋倒持太阿以鑄授人嗣復曰古者任則不

疑齊桓公器管仲於讐虜豈有倒持意耶帝以其面相觸頗不悅仙韶樂工尉遲璋授王府率右拾遺竇洵直當衙論奏鄭覃嗣復嫌以細故謂洵直近名夷行曰諫官當衙正須論宰相得失彼賤工安足言者然亦不可置不用帝即徙章光州長史以百緡賜洵直進門下侍郎帝嘗怪天寶政事不善問姚元崇宋璟于時在否李珣曰姚亡而宋罷珣因推言玄宗自謂未嘗殺一不辜而任李林甫種夷數十族不亦惑乎夷行曰陛下今亦宜戒以權屬人嗣復曰夷行失言太宗易暴亂爲仁義用房玄齡十有六年任魏徵十有五年未嘗失道人主

兩浙名賢錄

卷之十三 輔弼

七

×

用忠良益治用邪佞一日多矣時用郭遵爲坊州刺史右拾遺宋祁論不可遽果坐賊敗帝欲賞祁夷行曰諫官論事是其職若一事善輒進官恐後不免有私罷爲吏部尚書尋拜華州刺史武宗卽位召爲御史大夫俄還門下侍郎平章事進位尚書左僕射未幾以足疾乞身罷爲太子太保以檢校司空爲河中節度使卒

宋 共二十五人

參知政事盛公量度

子申甫附

盛度字公量世家應天曾祖璿仕錢氏爲餘杭令遂家焉父豫從錢叙入朝終尚書度支郎中度登端拱進士

第累官尚書屯田員外郎奉使陝西因覽疆域參贊漢唐故地繪爲西域圖以獻改起居舍人知制誥嘗奏事便殿眞宗問其所上西域圖度因言酒泉張掖武威燉煌金城五郡之東南自秦築長城西起臨洮東至遼碣延袤萬里有郡有軍有守捉襟帶相屬烽火相望其爲形勢備禦之道至矣唐始置節度後以宰相兼領用非其人故有山河之險而不能固有甲兵之利而不能禦今復繪山川道路壁壘區聚爲河西隴右圖願備大覽眞宗稱其博學遷右諫議大夫入翰林爲學士兼史館修撰出知光州再謫洪州團練副使請復賢良方正科

兩浙名賢錄

卷之十三 輔弼

六

×

又請建四科以取士曰博通墳典達於教化科才識兼茂明於體用科軍謀洪遠堪任將帥科明曉法律能按章覆問科旣而用夏竦議置六科其議亦自度始復爲翰林學士史館修撰遷給事中尋進承旨以禮部侍郎兼端明殿學士召問邊計退而條十事上之又兼侍讀景佑二年拜參知政事時王曾呂夷簡爲相度與宋綬蔡齊並參知政事曾與齊善而夷簡與綬善惟度不得志於二人及二人俱辭相仁宗問度曰王曾呂夷簡力求退何也度對曰二人腹心之事臣不得而知陛下詢二人以孰可代者則其情可察矣仁宗果以問曾曾薦

齊又問夷簡夷簡薦綬於是四人俱罷而度獨留遷知樞密院事章得象既相以度嘗位其上卽拜武寧軍節度使坐令開封府吏馮士元強取其隣所賃官舍以尙書右丞罷復知揚州加資政殿學士知應天府暴感風眩以太子少傅致仕卒贈太子太保諡文肅度好學家居列圖書每歸休未嘗去手嘗奉詔同編續通典文苑英華所著有愚谷銀臺中書樞中四集子申甫終尙書兵部郎中集賢校理嘗爲福建轉運使頗以修潔稱

太子太師祁國公杜世昌衍

杜衍字世昌山陰人父遂良仕至尙書度支員外郎衍兩浙名賢錄

卷之十三 輔弼

五

×川三

總髮苦志勵操尤篤於學擢進士甲科補揚州觀察推官擢知乾州徙權知鳳翔府及罷歸二州民邀留境上曰何奪我賢太守也以太常博士提點河東路刑獄辦冤獄久不決者數事徙揚州章獻太后遣使安撫淮南使還未及他語輒問杜衍安否使者以治狀對太后歎曰吾知之久矣召爲三司戶部副使擢天章閣待制知江陵未行會治北乏軍費還爲都轉運使不增賦於民而用足擢樞密直學士求補外以右諫議大夫知天雄軍始衍爲治謹密不以威刑督吏然吏民亦憚其清整仁宗特召爲御史中丞奏言中書樞密古之三事大臣

所謂坐而論道者也止隻日對前殿何以盡天下之事宜迭召見賜坐便殿以極獻替可否其他不必親煩陛下也又議常平法曰歲有凶豐穀有貴賤官以法平之則農有餘利矣今豪商大賈乘時賤收水旱則稽伏而不出冀其翔踴以圖厚利而困吾民也請量州郡遠近戶口眾寡嚴賞罰課責官吏出納無壅增損有宜公羅未充則禁爭糴以規利者糴畢而儲之則察其以供軍爲名而假借者州郡闕母錢願出公帑助之否則勸課之官家至日見亦奚益於事哉兼判吏部流內銓選補科格繁長主判不能悉閱吏多受賕出縮爲奸衍既視兩浙名賢錄

卷之十三 輔弼

三

×川三

事卽勅吏函銓法問曰盡乎曰盡矣力閱視具得本末曲折明日令諸吏無得升堂各坐曹聽行文書銓事悉自子奪曰是吏不能爲奸利數月聲動京師改知審官院其裁制如判銓時遷刑部侍郎知永興軍時方用兵民苦調發吏因緣爲奸衍區處計畫量道里遠近寬其期會使民得次第輸官比他州費省錢過半召還權知開封府貴近聞衍名莫敢干以私拜同知樞密院事改樞密使與富弼韓琦范仲淹共事三人欲盡革眾弊修綱紀權倖貴近多不悅獨衍與相左右而衍尤遏絕僥倖每內降恩悉寢格不行積詔旨至十數輒納帝前諫

官歐陽修入對帝曰外人知杜衍封還內降耶凡有求於朕每以衍不可告之而止者多於所封還也其助我多矣衍知本朝故實善決大事初邊將議欲大舉兵擊西夏雖韓琦亦以爲可衍獨以爲不可大臣至有欲以沮軍罪衍者兵後果不得出契丹與元昊大戰黃河外雁門麟府皆警范仲淹宣撫河東欲以兵自從衍曰二國方交鬪勢必不來我兵不可妄出仲淹爭議帝前語抵衍衍不爲恨後契丹卒不來契丹婿劉三般避罪來歸輔臣議厚館之以詰契丹陰事諫官歐陽修亦請留三般帝以問衍衍曰中國主忠信若自違誓約納叛亡

兩浙名賢錄

卷之十三 輔弼

三

X

則不直在我且三般爲契丹近親而遁逃來歸其謀身若此尙足與謀國乎納之何益乃還三般拜同平章事集賢殿大學士兼樞密使臺諫疾衍者訐其嬖穢舜欽他事劾奏之欲以傾衍且指衍爲朋比遂以尙書左丞出知兗州慶歷七年衍甫七十上表請還印綬乃以太子少師致仕杜衍爲宰相賈昌期不喜議者謂故相一上章得請以三少致仕皆非故事蓋昌期抑之也嘉祐元年特還太子太保召陪祀明堂仍詔應天府敦遣就道都亭驛設帳具几杖待之稱疾固辭進太子太師封祁國公衍清介不殖私產既退寓南都凡十年第室庠

陋才數十楹居之裕如也出入從者數人烏帽皂綈袍革帶或勸爲居士服衍曰老而謝事尙可竊高士名耶善爲詩正書行草皆有法病革帝遣中使賜藥挾太醫往視不及卒年八十贈司徒兼侍中諡正獻戒其子努力忠孝欽以一枕一席小墳庠塚以葬自作遺疏其略曰無以久安而忽邊防無以既富而輕財用宜早建儲副以安人心語不及私

太子少保趙閱道

子虬孫雲附

趙抃字閱道衢州西安人進士及第爲武安節度推官人有赦前僞造印更赦而用者法吏當以死抃曰赦前

兩浙名賢錄

卷之十三 輔弼

三

X

不用赦後不造不當死讞而生之由是起名歷知三縣通判泗洲濠州守給士卒廩賜不如法聲欲變守懼日未入輒閉門不敢出轉運使檄抃攝治之抃至從容如平時州以無事召拜殿中侍御史彈劾不避權倖聲稱凜然京師目爲鐵面御史其言務欲朝廷別白君子小人以謂小人雖小過當力遏而絕之君子不幸詿誤當保全愛惜以成就其德時呂溱蔡襄吳奎韓絳既出守而歐陽修賈黯復求郡抃言近日正人端士紛紛引去侍從之賢如修輩無幾今皆欲去者以正色立朝不能諂事權要傷之者眾耳修黯由是得留請知睦州移梓州

轉運使改益州蜀地遠民弱吏肆爲不法州郡公相餽餉扑以身帥之蜀風爲變召爲右司諫內侍鄭保信引退兵董吉燒煉禁中扑引文成五利鄭注爲比力論之陳升之副樞密扑言升之姦邪交結宦官進不以道章二十餘上升之去位而扑亦出知處州處素難治扑御之嚴而不苟召戒諸縣令使人自爲治令皆喜爭盡力獄以屢空召爲侍御史改度支副使進天章閣待制河北都轉運使時賈昌期以故相守魏扑將按視府庫昌朝使來告曰前此監司未有按視吾藏者恐事無比若何扑曰舍是則他郡不服竟往按昌朝不悅初有詔募

兩浙名賢錄

卷之十三 輔弼

三

義勇過期不能辦官吏當坐者八百餘人扑被旨督之奏言河朔頻歲豐故應募者少請寬其罪以俟農隙從之坐者獲免而募亦隨足昌朝媿服加龍圖閣直學士知成都以寬爲治英宗嘗諭都轉運使榮諲曰趙扑爲成都中和之政也神宗立召知諫院故事近臣還自成都者將大用必更省府不爲諫官大臣以爲疑帝曰吾賴其言耳苟欲用之無傷也及謝帝曰聞卿匹馬入蜀以一槩一霍自隨爲政簡易亦稱是乎未幾拜參知政事扑感顧知遇朝政有未協者密啟以聞帝手詔褒答王安石用事扑力論其新法之非不合乞去位拜資政

殿學士知杭州改青州時京東旱蝗青獨多麥蝗來及境遇風退飛盡墮水死成都以戍卒爲憂遂以大學士復知成都乞以便宜從事既至蜀治益尙寬有卒長立堂下呼諭之曰吾與汝年相若吾以一身入蜀爲天子撫一方汝亦宜清謹畏戢以率眾比戍還得餘貲持歸爲室家計可也人喜轉相告莫敢爲惡蜀郡晏然乞歸知越州吳越大飢疫死者過半扑盡救荒之術療病埋死而生者以全下令修城使得食其力復徙杭以太子少保致仕而官其子吼提舉兩浙常平以便養吼奉扑遍遊諸名山吳人以爲榮元豐七年薨年七十七贈太

兩浙名賢錄

卷之十三 輔弼

四

子少師諡清獻扑長厚清修人不見其喜愠日所爲事入夜必衣冠露香以告於天不可告則不敢爲也晚學道有得將終與吼訣詞氣不亂安坐而沒宰相韓琦嘗稱扑眞世人標表蓋以爲不可及云吼字景仁由蔭登第歷官太僕丞擢監察御史以父老請外提舉兩浙常平復爲御史正免抗言皆切時務避政親賢改都官員外郎出提點京東刑獄歷鴻臚太僕少卿未幾卒初扑廬母墓三年縣榜其里曰孝弟孫牟爲作孝子傳及吼執父喪而甘露降墓木吼卒子雲又以毀死人稱其世

孝

參知政事張道章昇

張昇字道章衢之開化人舉進士爲楚丘主簿轉韓城令南京留守王曾稱其有公輔器累官度支員外郎夏竦經略陝西薦其才換六宅使涇原秦鳳安撫都監未幾以母老求歸或指爲避事范仲淹言於朝曰張昇豈避事者乃許歸養厯官開封府推官至知雜御史張堯佐緣恩驟用知開封府內侍楊德敏夜直禁中而衛士爲變皆極論之昇性質樸不善擇言至斥張貴妃爲一婦人謂德敏得志將不減劉季述仁宗讀之不懌以語陳升之升之曰此忠直之言不涉切則聖意不可回矣

兩浙名賢錄

卷之十三 輔弼

圭

×118

參知政事鄭行可仲熊

但命五日一至院請見無蹈舞司馬光上疏言近歲以來大臣年高者皆不敢自安其位言事者欲以爲名又從而攻之使其人無可取雖少壯何爲果有益於時雖老何傷昇爲人忠謹清直不可干以私若使且居其位於事亦未有曠廢也昇請不已始賜告遂以太子太師致事熙寧十年薨年八十六贈司徒兼侍中諡曰康節

兩浙名賢錄

卷之十三 輔弼

美

×119

廢食侵以不遜語至自擬桓溫班退仲熊遂力祈避位上不得已允之且曰彼既不相容卿且去行將召卿遂以原官奉祠言者不置竟落職寓居蕭寺二十年孝宗卽位復端明殿學士致仕孫緝主司農寺簿

參知政事沈守約該

沈該字守約歸安人以上舍釋褐歷官禮部侍郎紹興八年金人在淮泗遣使請和該上疏論之出知夔州悉心撫字西人愛戴召拜簽書樞密院參知政事奏減吳興丁輸五分之四鄉人德之未幾大拜該遽於易嘗撰小傳六卷其說以左氏變卦爲文進之高宗降詔褒美兩浙名賢錄

卷之十三 輔弼

毛

XOL

右丞相葉夢錫衡

葉衡字夢錫金華人紹興十八年進士第歷知於潛縣戶版積弊富民多隱漏貧弱困於陪輸衡定爲九等自五以下除其籍而均其額於上之四等貧者頓蘇徵科爲期限榜縣門俾里正諭民不遺一吏而賦自足歲災蝗不入境治爲諸邑最擢知常州時水潦爲災衡發倉爲糜以食飢者已而疫作衡單騎命醫藥自隨徧問疾苦活者甚眾除太府少卿進戶部侍郎時鹽課大虧衡奏年來課入不增私販害之也宜自煮鹽之地爲之制

司火之起伏稽竈之多寡廉能吏察之私販自絕矣仍

命措置官三人淮南於通州浙東於明州浙西於秀州

除樞密承旨有言江淮兵籍僞濫者詔衡按視且命衡

措置民兵咸稱得治兵之要除戶部尚書進簽書樞密

院拜參知政事未幾進右丞相兼樞密使上銳意恢復

凡將帥器械山川防守悉經思慮每奏對畢從容賜坐

講論機密或不時召對時會子諲漫折閱手詔賜衡措

置衡奏令戶部取湖廣會子實數盡以京會立限易之

旬日而辦上歎曰葉衡真宰相才也一日上曲宴宰執

於凝碧池上曰朝廷所用正論其人如何不可有黨如

兩浙名賢錄

卷之十三 輔弼

毛

X116

唐牛李之黨相攻四十年緣主聽不明至此文宗曰去河北賊易去朝中朋黨難朕嘗笑之衡奏文宗優游不斷故有此語陛下英明聖武誠非難事上諭執政選使求河南衡奏湯邦彥有口辯宜使金邦彥請對問所以遣既知薦出於衡恨衡擠已聞衡對客有訕士語奏之上大怒卽日罷相責授安德軍節度使郴州安置邦彥使還果辱命上震怒竄之嶺南詔衡自便復官與祠年六十有二薨贈資政殿學士

右丞相史直翁浩

史浩字直翁明州鄞人紹興十四年進士第歷官國子